



Synfocity = 875

mail us at : mzsynfo@gmail.com; mizoramsynod@gmail.com - Phone - 2314648

February 9, 2023

☐ Missionary Tirh chhuah inkhawm neih a ni

February 5, 2023 (Pathianni) chawhnu dar 1:30 khan Mission Vengthlang Kohhran Biak In-ah Synod Mission Board hnuai thawk tur Missionary 49 (mipa 27 leh hmeichhia 22) tirh chhuah inkhawm neih a ni. Tirh chhuah inkhawm hi Synod Mission Board Secretary Rev. R. Lalhmingsanga'n a kaihruai a, Upa Lalthahluna Ralte, Coordinator, Synod Mission Board-in Missionary tirh chhuahte inhmelhriattirna a nei a, Rev. Dr. C. Chawngmingliana, Synod Moderator-in tirh chhuahta hun hmangin thuchah a sawi a, "Pathian ram Chanchin Tha hril ang che u, Isuan a zirtirte a koh khan anmahni a rawn hmasa lo va, a ko tawp tawp a, a tirh chhuaht dawnin thupek pawimawh tak mai a hrilh a ni. Chanchin Tha hriltu tur in ni a, in hna erawh chu a inang vek lo vang, mahse chanchin tha rawngbawl hna vek a ni. Chutiang tur chuan kan tir chhuak che u a. Tawngkama Chanchin Tha kan hril ai mah hian kan chetzia leh kan nunziaa Chanchin Tha kan hril hi a chak fo a ni. Chanchin Tha hril kawngah hian thil pawimawh tak pakhat chu Pathian rin hi a ni. Hlau suh ula, zam hek suh u. Lalpan a Chanchin Tha hril turin a ko che u a, a thlang tawh che u a, Lalpa chakna ringin hril zel ang che u," tiin a fuih a ni. Tirh chhuahte aiawhin Lalsangvungan thu tawi a sawi bawk. Rev. Dr. K. Lallawmzuala, Executive Secretary i/c Mission-in tawngtaisakna hun a hmang a. He hunah hian Synod Choir, Synod Mission Choir leh Mission Vengthlang Bial Zaipawl te an zai bawk. Kum 2023-a Missionary pension-a chhuak mi 29 hnenah Citation hlan a ni. Tirh chhuahte hi February 15, 2023 hmian an awmna hmun tur theuh thlang tura beisei an ni.

An hna tura ruatte:

Evangelist Teacher	22
Evangelist	21
Medical	4
Craft Teacher	2

Region wise-a kal tur zat:

Home Mission	17
North East	18
Central	14

☐ Synod Mission Board

◆ Jharkhand Mission Field

February 5, 2023 (Pathianni) khan member thar mi pakua an neih belh a, Believers' Church atangin member pariat kan Kohhranah an inpe bawk.

◆ Arunachal & Assam Mission Field (West)

February 5, 2023 (Pathianni) khan member thar mi paruk an neih belh a, Kohhran pawl dang (Word of God Ministry) atangin mi pakhat kan Kohhranah a inpe bawk.

◆ Arunachal & Assam Mission Field (East)

February 5, 2023 (Pathianni) khan member thar mi pakhat an neih belh a, Baptist atangin member pali kan Kohhranah an inpe bawk.

◆ Patna Mission Field

February 5, 2023 (Pathianni) khan member thar mi pathum an neih belh.

◆ Delhi Mission Field

February 5, 2023 (Pathianni) khan field chung hmun hrang hrangah member mi 13 an neih belh.

◆ Masihi Sangati

February 3, 2023 (Zirtawpni) khan Kolasib Venglai Masihi Sangati te rawngbawl naah mi 14 Lal Isua zui turin an inpe.

◆ **Zin**

February 7&8, 2023 khan Silchar-ah Barak Area Committee hmangin Rev. Dr. C. Chawngmingliana, Moderator; Rev. C. Zoramawia, Senior Executive Secretary; Rev. R. Lalhmingsanga, Mission Board Secretary; Upa B. Lalhmunliana, Synod Secretary leh member-te, Rev. Lalchhuanmawia leh Rev. Lalremruata Ralte te an kal.

□ **Bial Kohhran Hmeichhe Inkhawmpui**

February 10-12, 2023 chhung hian Bial hrang hrangah Bial Kohhran Hmeichhe Inkhawmpui neih a ni dawn. February 10 (Zirtawpni) zan hi Palai lawmna leh report inkhawm a ni ang a, Inrinni nilengin rorel a ni ang a, zanah vantlang Pathian Biak inkhawm a awm ang a. Pathianni chawhma, chawhnu leh zanah Inkhawmpui hi neih chhonzawm a ni ang.

Inkhawmpui hman dan tur hi Bial Hmeichhe Committee-in ngaihtuahin a remchan dan anga hman thin a ni a, chuang chuan bial hrang hranga inkhawmpui hman dan pawh a inang vek lo va, Bial thenkhatah thupui thlan bik neiin speaker-ten an sawi thin a, bial thenkhatah chuan bial hruaituten an insawi chhawk chang pawh a awm thin. Kristian Chhungkua leh Buhfaithama inelna lawmman hrang hrang sem thin a ni bawk.

Bial inkhawmpui hmanpuiin Kohhran Hmeichhia Central Committee member-te hmun hrang hrangah hetiang hian an kal:

Bial	-	Kal turte
Darlawn Bial	-	1. Pi Vanlalhruaii, Vice Chairman 2. Pi. H. Lalrintluangi, Committee member 3. Pi R. Lalrempuii, Committee member 4. Pi C. Thanpari, Committee member
Manikbond Bial	-	1. Pi H. Lalfakmawii, General Secretary 2. Pi R. Lalroliani, Committee member 3. Pi Zochungnungi, Committee member 4. Pi A. Nazi, Committee member
Cherhlun Bial	-	1. Pi Lalrinliani, Treasurer 2. Pi Zoathanpari, Committee member 3. Pi Lalchhingpuii, Committee member 4. Pi Lalramzauvi, Committee member

Synod Inkhawmpui 2022 report-a a lan danin tun dinhmunah Kohhran hmeichhe member 1,88,060 an awm a, member tam berna bial chu Champhai Vengthlang Bial niin member 2,869 an awm a, member tlem berna bial chu Buarpui bial niin member 40 an awm a ni.

□ **Presbyterian English School (PES)**

February 6-8, 2023 chhung khan PES hrang hrang - Khawlailung, Lungchhuan, N. Vanlaiphai, Bungtlang, Sailulak, Leng, Cherhlun, E. Lungdar, Mualcheng leh Keitum te tlawhin Pu C. Lalrinliana, Supervisor of Schools a kal.

□ **KTP**

February 7, 2023 (Thawhlehi) zan khan KTP Rorel Inkhawm 2023 thlengtu tur, Zemabawk Kohhran (Organising Committee) leh Central KTP hruaituten Zemabawk Kohhran Committee Room-ah inkawm hona hun an hmang.

KTP Rorel Inkhawm hi March 3-5, 2023 chhung hian Zemabawk Kohhran Biak Inah neih a ni ang a, Branch leh Bial aiawh palai sang chuang an tel thei tura ngaih a ni. Rorel Inkhawm hi General Conference neih loh kuma neih thin.

□ **MSSU**

February 9, 2023 (Ningani) zan hian Ramthar Tlangveng Kohhranah Sunday School zirtirtu training neihpui turin Pu Lalhmunzauva Tlau, Asst. Coordinator leh Upa Hrilthansanga, MSSU Trainer te an kal ang.

□ **Zin**

February 9-12, 2023 chhung hian Manipur-ah Manipur Synod hmanpuiin Upa B. Lalhmunliana, Synod Secretary leh Rev. R.C. Lalnghakliana, Synod Office te an kal.

❑ **Synod Relief Fund**

Tun hnaia harsatna hrang hrang tawkte hnenah Synod Relief Fund atangin hetiang hian chhawmdawlna pek a ni.

S.No	Khua	Pek chhan	Chhungkaw zat	Pek zat
1.	Thinglian	In kang	1	₹ 10,000/-
2.	Biate	Damlo	1	₹ 8,000/-
3.	Mimbung	Damlo	1	₹ 8,000/-
				BELHKHAWM ₹ 26,000/-

❑ **FM Zoawi - Aizawl & Lunglei**

February 10, 2023 (Zirtawpni) @ 7:30 p.m. :

Solo : V.L. Neithangi - Beiseina nung
 Zaipawl : ATC Male Voice - Beiseina reng nei lote tan
 Thusawi : Rev. V.L. Krawschhuanmawia - Beiseina
 Solo : B. Lalsangliana - Krista kan beiseina
 Zaipawl : Bethlehem Kohhran Zaipawl - Ka lungkham ram eng mawi

❑ **Susamachar Prasaran Programme :**

February 12, 2022 (Pathianni) 5:00 pm. :

Group/Choir/Solo : Diphu Pastorate Choir - Lang tha sining, Group/Choir/Solo : Republic Veng Masihi Sangati - Chalo mere sath, Sermon : Rev. Vanlalbela - Isu Jevan Data He, Group/Choir/Solo : Khatla Masihi Sangati - Ishu Tera Wada, Group/Choir/Solo : Tuikual Pastor Bial - Prabhu Mere

❑ **Hruaina Eng TV Programme**

9.2.2023 (Ningani) 7:00 pm : Sermon - C. Lalramthara, Gospel Revival Team
 8:30 pm : Zir bingna - F. Vanlalrochana
 10.2.2023 (Zirtawpni) 5:00 pm : Naupang pual
 7:00 pm : Sermon - Rev. R.T. Lianthanga
 8:30 pm : Synfo Inleng (Rev. Lalsangbera, Estheri, Afaki)
 11.2.2023 (Inrinni) 7:00 pm : Sermon - Rev. C. Lalsangliana
 12.2.2023 (Pathianni) 8:00 am : Weekly Round up
 4:00 pm : Sermon - Upa Lalrammawia Ngente
 8:30 pm : Sermon - Rev. R. Lalmingsanga, Secretary, SMB
 13.2.2023 (Thawhtanni) 7:00 pm : Sermon - Pi Lalrinliani, Treasurer, Central Kohhran Hmeichhia
 8:30 pm : Hruaina Eng Luang Chhuak (Leitan Pastor Bial)
 14.2.2023 (Thawhlehi) 7:00 pm : Sermon - T. Upa P.C. Vanlalnunmawia, Treasurer, CKTP
 8:30 pm : Nilai Zan thupui zir hona

❑ **Moderator leh Executive Secretary-te Programme:**

Rev. Dr. C. Chawngmingliana : Moderator

February 16, 2023 Synod Finance committee

Rev. C. Zoramawia : Senior Executive Secretary

February 16, 2023 Synod Finance committee

February 18, 2023 Dawrpui Bial Kohhran Hmeichhia Platinum Jubilee hmanpui

Rev. V.L. Luaia Hranleh : Executive Secretary

February 15, 2023 MSSU Training Cell committee

February 16, 2023 Synod Finance committee

February 18, 2023 Dawrpui Bial Kohhran Hmeichhia Platinum Jubilee hmanpui

Rev. Dr. K. Lallawmzuala : Executive Secretary

February 13, 2023 Worship Music Cell committee

February 15, 2023 Central KTP committee

February 16, 2023 Synod Finance committee

February 19, 2023 Masihi Sangati Awareness Campaign, Tanhril Kohhran

Moderator leh Executive Secretary-te hi February 17, 2023-a OM thut khawmnaah an tel ang.

SYNOD HSS CLASS IX ADMISSION

Synod Higher Secondary School-a luh tumte tana hriat tur:

Form lak chhuah hun : Dt. 13.2.2023 – 23.2.2023 (Office hour chhungin)
Form theh luh hun hnuhnung : Dt. 24.2.2023 (Friday) 12:30 pm thleng
Entrance Test : Dt. 4.3.2023 (Saturday) 10:00 am – 1:00 pm
Test result puan : Dt. 14.3.2023 (Tuesday) 9:30 am
Note : Aizawl pawn lama mite tan Kohhran lehkha thil tel a ngai.

Sd/-

Zirkungi Chhakchhuak
Principal, Synod HSS

MPC SIKULPUI NEW ADMISSION 2023 -2024

(Mizo Medium, Mipa Sikul : 'A' Pawl, Pawl 1-7)

Form lak chhuah tan theih hun : February 27, 2023 (10:00 am -2:00 pm)
Form theh luh tawp ni : March 6, 2023
Admission ti thei tur list tar chhuah hun : March 7, 2023
Admission tih theih hun chhung : March 7-9, 2023 (10:00 am - 1:00 pm)

Sd/-

Headmaster
Sikulpui

Phone: 0389 2335980/9436152024

PATHIAN THU ZIR DUH TAN

Presbyterian Bible School, Mission Veng-ah Certificate in Theology (C.Th) Admission hawn a ni a. Dil duhte tan a hnuai tarlan hi hriat tur a ni e.

Admission Form : Office hun chhungin Rs. 10/- a lei theih a ni
Dil hun chhung : April 24, 2023 (Thawhtanni) tlai dar 3:00 thleng
Dil thei chin : Class VII pass, kum 16 chin, Kohhran dan chhunga awm
Interview : April 28, 2023 (Zirtawpni) chawhma dar 10:00
Class tan hun : May 3, 2023 (Nilaini)
Zir hun chhung : May - August, 2023

Hrechiang duh tan Phone No. **8296035491/9862322112**-ah zawhfiah theih a ni.

Sd/-

Rev. Lalrinsanga
Principal
Presbyterian Bible School